

अथ सप्तदशोऽध्यायः

सह्रमाँ तीन तह्माँ की सधाँ अद्भ्याय

अर्जुन उवाच

ये शास्त्रविधिमुत्सृज्य, यजन्ते श्रद्धयाऽन्विताः।
तेषां निष्ठा तु का कृष्ण, सत्त्वमाहो रजस्तमः॥ १

अर्जन बोल्ल्या

(सिरफ स्रधालू का के होगा?)

जो सास्त्रविधी तैं ऊप्पर जा, पूजैं देवाँ नैं सधाँ तैं।
उन की स्थिति, किन्तू, के किसण, सत या रज या तम सैं बणदी?॥ १

श्रीभगवानुवाच

त्रिविधा भवति श्रद्धा, देहिनां सा स्वभावजा।
सात्त्विकी राजसी चैव, तामसी चेति तां शृणु॥ २

स्रीभगवान् बोले

(सधाँ हो सैं तीन तह्माँ की)

तीन तह्माँ की हो सैं सधाँ, देहधारियाँ की वा अर्जन।
आपूँ होणैं कै सँग मैं सैं, सुभाव बण कैँ जनम लहैं सैं।
सतोगुणी या रजोगुणी अर, तमोगुणी सैं, उस नैं सुण तैं॥ २

सत्त्वानुरूपा सर्वस्य, श्रद्धा भवति भारत।
श्रद्धामयोऽयं पुरुषो, यो यच्छ्रद्धः स एव सः॥ ३

(सधाँ का महत्त्व)

‘सत्त्व’ मनुख की बुद्धी हो सैं, आच्छे माड़े ओर बीच के।
परकास मोह किरिया के या, संस्कार धरैं सब कैँ सधाँ॥
सुभा जिसा हो उस तहियाँ की, सब की सधाँ हो सैं भारत।
भरत बंस मैं जाए अर्जन, सधाँ माणस मैं खूब घणी सैं॥

या ए इस का भाव बणावै, न्यूँ सर्धा-माफिक पुरुस बणै सै।
सर्धा जिसी मनुख मैं हो सै, वो ए वो माणस बण ज्या सै॥ ३

यजन्ते सात्त्विका देवान्, यक्षरक्षांसि राजसाः।
प्रेतान् भूतगणांश्चान्ये, यजन्ते तामसा जनाः॥ ४

(तीन तह्नों की सर्धा के देवते)

१पूजैँ सात्त्विक सर्धा आळे, देवाँ नै, २यक्स-राच्छसाँ नै।
राजस सर्धा आळे पूजैँ, ३प्रेताँ भूताँ नै अर कोए।
पूजैँ तामस सर्धा आळे॥ ४

अशास्त्रविहितं घोरं, तप्यन्ते ये तपो जनाः।
दम्भाहंकारसंयुक्ताः, कामरागबलान्विताः॥ ५

(आसुरी प्रवृत्ति आळे माणस)

सास्तर मैं नाँ कह्या, बताया, करणै खात्तर कर्म मनुख नै।
तन नै मन नै कस्ट देण की, करदे जो जन उग्र तपस्या॥
'मैं' का करदे ढोंग दिखावा, लोग्गाँ नै वैं मोहण खात्तर।
तामस सर्धा आळ्याँ का अर, होवै अर्जन, करम दिखावा॥
'घणा तपस्वी मैं सूँ, सै नाँ, मेरे बरगा ओर तपस्वी'।
इस घमण्ड तैं सैं वैं पूरण, इच्छा उन की बड़े फळीँ की।
दुनिया मैं तैं पाणै की सै, बिसै भोग मैं राग जोर का॥ ५

कर्शयन्तः शरीरस्थं, भूतग्राममचेतसः।
मां चैवान्तःशरीरस्थं, तान् विद्ध्यासुरनिश्चयान्॥ ६

माड़ा करदे अग्यानी वैं, तन मैं रह चर्बी माँस बणे।
पृथ्वी जल आदी भूताँ नै, अर काया कै अन्दर रहँदै॥
मन्रै बी वैं कस्ट देणिये, उन की जाण आसुरी सर्धा।
काया इन्द्रीसुख मैं रमड़े, लोग्गाँ की वा सर्धा हो सै॥ ६

आहारस्त्वपि सर्वस्य, त्रिविधो भवति प्रियः।
यज्ञस्तपस्तथा दानं, तेषां भेदमिमं शृणु॥ ७

(खान-पान, यग्य, तप अर दान के भेद)

खान-पान बी तो सब नै ए, तीन तह्नों का हो सै प्यारा।
यग, पूजा तप अर देणा, ये बी तीन तह्नों के हौँ सै।
उन का फरक, सुणो यो अर्जन॥ ७

आयुः सत्त्वबलारोग्य-सुखप्रीतिविवर्धनाः ।
रस्याः स्निग्धाः स्थिरा हृद्या, आहाराः सात्त्विकप्रियाः॥ ८

(तीन तह्नों का खाणाँ-पीणाँ)

१उमर र २हिम्मत ३ताकत ४सेहत, ५आनंद सुख अर ६प्रेम बढान्दा।
७चिकणा ओर ८रसीला ९टिकदा, काया मैं जो खाएँ पाच्छै॥
१०हिरदै नै मजबूत बणान्दा, ११मन नै बी जो आच्छा लागै।
खाणा-पीणा होवै सै यो, सतोगुणी नै प्यारा अर्जन॥ ८

कट्वम्ललवणात्युष्ण-तीक्ष्णरूक्षविदाहिनः ।
आहारा राजसस्येष्टा, दुःखशोकामयप्रदाः॥ ९

(रजोगुणी नै प्यारा खान-पान)

१कडुवे, २खाट्टे, ३खारे, अर जो, भोत ४गरम हौँ, गरमी करदे।
५भोत चर्चरे, ६ल्हूक्खे, खा कैँ, ७जळण पेट मैं पैदा करदे॥
८दुख, ९मिचळी, १०मन माड़ा करदे, खान-पान ये रजोगुणी नै।
प्यारे लागैँ सारे अर्जन॥ ९

यातयामं गतरसं, पूति पर्युषितं च यत्।

उच्छिष्टमपि चामेध्यं, भोजनं तामसप्रियम्॥ १०

(तमोगुणी नै भाणियाँ खान-पान)

१कई पहर तैं धर्या बणा कैँ, २बेरस, ३बाँस मारदा, ४बास्सी।

‘झूठा छोड़ुया अर ‘अपवित्तर, ‘यग पूजा मैं नाँ बरत्या जावै।।
बुद्धी नै बी ठस्स करै जो, खाणाँ-पीणाँ, तमोगुणी जो।
माणस, हो सै उस नै प्यारा ॥ १०

अफलाकाङ्क्षिभिर्यज्ञो, विधिदृष्टो य इज्यते।
यष्टव्यमेवेति मनः, समाधाय स सात्त्विकः॥११

(तीन तह्नों का यग्य)

‘फळ की इच्छा जो नाँ राखवै, सास्त्रबिधी मैं देखी होई।
पूजा अर्चा यग्य करै सैं, ‘करणा ए न्यूँ’ मन नै समझा।
जो यग्य कर्या जा सै, वो ए, ‘सात्त्विक’ सारा अर्जन, हो सै ॥ ११

अभिसंधाय तु फलं, दम्भार्थमपि चैव यत्।
इज्यते भरतश्रेष्ठ, तं यज्ञं विद्धि राजसम्॥१२

(रजोगुणी यग्य)

‘मन मैं रख कै, किन्तू, फळ नै, ढोंग दिखावा करणै खात्तर।
पूजा यग अर पाठ बन्दगी, करदे ओर करान्दे माणस।
भरत बंस मैं उत्तम अर्जन, पूजा बन्दन यग्य समझ ले।
सारे ए तो वैं सैं राजस, रजोगुणी जन, राजस सार्धा।
साधन सामग्री सब राजस, राजस माणस ये सैं करदे ॥ १२

विधिहीनमसृष्टान्नं, मन्त्रहीनमदक्षिणम्।
श्रद्धाविरहितं यज्ञं, तामसं परिचक्षते॥ १३

(तमोगुणी यग्य)

‘सास्त्रबिधी नै छोड करै जो, गुणी जण्यौं नै अर भूख्यौं नै।
दाणा-पाणी जित नाँ देन्दे, मन्त्र सही अर सही ढङ्ग तैं।।
बोल्ले नाँ ज्याँ जिस मैं अर नाँ, उचित दच्छिणा अर मजदूरी।
मेहनत करद्याँ नै नाँ दी ज्या, सही समै पै सही ढङ्ग तैं।

सार्धा तैं जो कर्या नहीं ज्या, यग पूजा वा तामस कहँदे ॥ १३

देवद्विजगुरुप्राज्ञ-पूजनं, शौचमार्जवम्।
ब्रह्मचर्यमहिंसा च, शारीरं तप उच्यते॥ १४

(तीन तह्नों का तप)

‘देवाँ ओर जनेऊधारी, बरण धरम का पाळण करदे।
तीन बरण मैं श्रेष्ठ बिप्र की, ग्यानदान तैं, नातै रिस्तै।।
बडे होण तैं मन अन्धेरा, दूर करै जो, उन गरुआँ की।
बिद्या पाए समझदार की, पूजा आदर मान बन्दगी।।
‘तन मन वाणी ब्योहाराँ का, सुच्चापण हो ओर ‘सरलता।
रहण-सहण अर ब्यौहाराँ मैं, सोच-समझ मैं रहे सादगी।।
करतब मैं सीद्धापण अर हो, ‘घर-ग्रिहस्थ मैं संयम रखणा।
‘पीड़ा नाँ दे कदे किसै नै, तन का तप यो बोल्ल्या जा सै ॥ १४

अनुद्वेगकरं वाक्यं, सत्यं प्रियहितं च यत्।

स्वाध्यायाभ्यसनं चैव, वाङ्मयं तप उच्यते॥ १५

‘खटकै नाँ वो बोल बोलणा, ‘सच्चा ‘प्यारा ‘हितकर बी जो।
‘आणौ कुल अर सम्प्रदाय मैं, ग्यानसाख जो चाल्ली आई।।
उस कै अर निज ग्यान ध्यान कै, ग्रन्थौं नै नित फिर-फिर पढणा।
बाणी सुद्ध करणियाँ तप यो, बोल्ल्या जा सै ग्यात्री जन मैं ॥ १५

मनःप्रसादः सौम्यत्वं, मौनमात्मविनिग्रहः।

भावसंशुद्धिरित्येतत्, तपो मानसमुच्यते॥ १६

‘मन का खुस अर निर्मल रहणा, ‘सान्त भाव अर ‘मोन साधणा।
मन तैं बी नाँ किमे सोचणा, ‘इन्द्रिय मन बुद्धी पर काब्बू।।
‘ब्यौहाराँ मैं छळ नाँ करणा, बिचार सुद्ध बी आणौ रखणा।
तप यो मन का बोल्ल्या जा सै ॥ १६

श्रद्धया परया तप्तं, तपस्तत् त्रिविधं नरैः।

(तीनों तप सै तीन तहँ के)

सर्धा रख कै खूब घणी-सी, तन तँ मन तँ कस्ट सहण की।
करँ तपस्या माणस वा सै, तीन तहँ की सत रज तम तँ॥

अफलाकाङ्क्षिभिर्युक्तैः, सात्त्विकं परिचक्षते॥१७

१कारण किम्मे रख कै आच्छा, २गुण सुभाव तँ हो कै प्रेरित।
३नाँ ए करदे फळ की इच्छा, ४आणै मन नै काबू मै कर।
लागो रह कै करी तपस्या, सात्त्विक, कहँदे उस नै ग्यात्री ॥ १७

सत्कारमानपूजार्थं, तपो दम्भेन चैव यत्।

क्रियते तदिह प्रोक्तं, राजसं चलमधुवम्॥ १८

१आदर-मान, प्रसंसा, पूजा, फूल-हार ले, लोग सहावँ।
इस की खात्तर, २ढोंग दिखावा, कर कै बी जो करी तपस्या॥
इत वा बोली ज्याँदी राजस, ३नस्ट होणियाँ अर नाँ निश्चित।
फळ बी उस का होवै सै यो ॥ १८

मूढग्राहेणात्मनो यत्, पीडया क्रियते तपः।

परस्योत्सादनार्थं वा, तत् तामसमुदाहृतम्॥१९

१नाँ-समझी तँ, मोह मै पड़ कै, हठ मै आ २आणै तन मन नै।
दुख फुँचा कै करी तपस्या, या ३ओराँ की, हानी खात्तर।
मूठ छोडदे, जाहू-टोणा, करदे माणस, वा सै तामस ॥ १९

दातव्यमिति यद्दानं, दीयतेऽनुपकारिणे।

देशे काले च पात्रे च, तद्दानं सात्त्विकं स्मृतम्॥ २०

(दान भी सै तीन तहँ का)

१देणा सै, २नाँ किम्मे लेणाँ, बदलै मै मन्नै इस कै, न्यँ।
सोच समझ जो दान दिया ज्या, उस नै, जिस नै देणाळै का॥
भला कर्या नाँ कदे होवै, ३सही जघाँ अर ४सही समै पै।

५सही मनुख नै, सुण तँ अर्जन, सतोगुणी वो दान बताया ॥ २०

यत्तु प्रत्युपकारार्थं, फलमुद्दिश्य वा पुनः।

दीयते च परिक्लिष्टं, तद्दानं राजसं स्मृतम्॥ २१

१जो वो बदलै कर्यै होड कै, या २यो काम करैगा मेरा'।
सोच समझ न्यँ या ३फिर कोए, उस का फळ निज मन मै रख।
दिया दान ज्या ४मन नै मार्यै, वो दान रजोगुणियाँ बोल्ल्या ॥ २१

अदेशकाले यद्दानमपात्रेभ्यश्च दीयते।

असत्कृतमवज्ञातं, तत् तामसमुदाहृतम्॥ २२

१गलत जघाँ मै, २गलत समै पै, जो दान ३कुपात्तर नै देन्दे।
४कर बेइज्जत ओर ५उपेक्षा, ६बेरुख हो कै, ७मान घटा कै।
वो दान तमोगुणियाँ बोल्या ॥ २२

ॐ तत्सदिति निर्देशो, ब्रह्मणस्त्रिविधः स्मृतः।

ब्राह्मणास्तेन वेदाश्च, यज्ञाश्च विहिताः पुरा॥ २३

(ब्रह्म के तीन नाम)

‘ओम’, ‘तद्’, ‘सत्’ ब्रह्म का न्यँ ये, नाम बताया तीन तहँ का।
ब्रह्म तत्त्व के सदा उपासक, ‘ब्रह्म’ बेद नै पढणै आळे।
उस के ग्याता माणस उस नै, बेद र यग्य बणाए पहल्यो ॥ २३

तस्मादोमित्युदाहृत्य, यज्ञदानतपःक्रियाः।

प्रवर्तन्ते विधानोक्ताः, सततं ब्रह्मवादिनाम्॥ २४

(ॐ का महत्त्व)

१इस कारण कार्य ब्रह्म की जो, उत्तम सिस्टी ग्यान बेद सै।
उस की बात करँ जो कर्मी, उन की बिधि तँ कही सभी जो॥
पूजा अर्चा ग्रन्थपाठ अर, होम दान तप सारी किरिया।

‘ओम’ बोल कै सदा चलँ सँ ॥ २४

तदित्यनभिसंधाय, फलं यज्ञतपःक्रियाः।

दानक्रियाश्च विविधाः, क्रियन्ते मोक्षकाङ्क्षिभिः॥ २५

(तद् का मतबल)

‘तद्’ सै ‘वो’ ए सार जगत् मै, पूज्जण जोग्गा ईस्सर वो ए।
उस नै मन मै कर कै फळ नाँ, चाह कै माणस यग तप किरिया।
सबी तहाँ के दान करम बी, करदे हैं सैं मोक्स चाण्हिये ॥ २५

सद्भावे साधुभावे च, सदित्येतत् प्रयुज्यते।

प्रशस्ते कर्मणि तथा, सच्छब्दः पार्थ युज्यते ॥ २६

(‘सत्’ की व्युत्पत्ती)

‘स्+अत्=सत्’ हो नित्य निरन्तर, देस काळ अर व्यस्ति पिण्ड की।
कर नाँ पहवा ओर अपेक्षा, ‘सत्’, ‘सै’ इस बिध हो जो केवल ॥
जग मै रहँदे पिण्डाँ मै वो, था बी, सै अर, होगा बी वो।
सबी जघाँ मै थी जो कहे, सैं अर इब जो पूर्ण बिस्व मै ॥
हाँगी बी जो आणै आळै, बखताँ मै बण पाँच भूत तैं।
स्मिस्टी स्थिति अर परळै म्हारी, सीमा सैं ये भौतिक सब की ॥
इन की सीमा तीन ततव सैं, सत गुण रज गुण और तमोगुण।
जिन नै कहँदे, गिणदे-गिणदे, थक कै पस्त पड़े सब ग्यात्री ॥

(सत् के अरथ)

‘इन तैं सै पर ऊप्पर कोए, जिस नै हम सब कह नाँ पावाँ।
अनुभव मै पर आवै सै वो, ‘सत्’ हम उस नै बोल सकाँ साँ ॥
‘आच्छी चीज रहै’, या चाव्हाँ, आच्छा वो, जो सब कै हित मै।
हित हो आच्छे काम कर्यै तैं, ‘सत्’ न्यून होणा आच्छा होणा ॥
‘आच्छा करणा बी ‘सत्’ होवै, पिरथा के सुत अर्जन, न्यून यो।
‘सत्’ का सबद जगत् सै बोलै, इन तीन तहाँ के अर्थाँ मै ॥ २६

यज्ञे तपसि दाने च, स्थितिः सदिति चोच्यते।

कर्म चैव तदर्थीयं, सदित्येवाभिधीयते ॥ २७

‘यग, तप, दान करम मै निस्टा, सर्धा, आस्था टिक कै करणा।
यें बी ‘सत्’ सैं बोल्ले जान्दे, ओर करम जो इन कै खात्तर।

होवै, वो बी सतै कुहावै ॥ २७

अश्रद्धया हुतं दत्तं, तपस्तप्तं कृतं च यत्।

असदित्युच्यते पार्थ, न च तत् प्रेत्य नो इह ॥ २८ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे श्रद्धात्रयविभागयोगो

नाम सप्तदशोऽध्यायः ॥ १७ ॥

(असत् का अरथ अर फळ)

‘सर्धा नाँ रख यग अर पूजा, दान दिया अर करी तपस्या।
ओर कर्या जो सर्धा नाँ रख, ‘असत्’ कुहावै वैं सैं सारे ॥
उन का करणा करणा नाँ सै, होणा बी नाँ उन का किम्मे।
आच्छा होणा होगा कित तैं?, ‘हित बी इन तैं नहीं किसै का ॥
जन, धन, साधन, समै, सक्ति बी, बर्बाद सबै यैं बिरथा होंगे।
ढोंग, दिखावा, गलत राह पै, चाल्लें गे जो लोग देख ये ॥
‘असद्’ बुरा के इस तैं होगा?, यग, दान, क्रिया, तप, सर्धा बिन जो।
उन तैं होगा बुरा सबी का, पिरथा के सुत अर्जन, नाँ ये।
मरणै पाच्छै नाँ इत जीन्दे, हितकर होवैं, सत् हों क्यूकर? ॥ २८

श्रीमती सीतादेव्बी अर श्रीश्रीनिवास सास्तरी कै बेट्टे सिवनारायण

सास्तरी कै हरियाणी भास्सा कै गीतायन काब्ब्यभास्स्य मै

सम्हमाँ अद्ध्याय पूरा होया ॥ १७ ॥

पूर्वसलोकयोग ५९४ + २८ = ६२२